

## C A P U T V I I I .

*De Provocatione ob novi operis molitionem.*

§. 79.

**N**ovum opus molienti facultas esto, apud Judicem, cuius Jurisdictioni destinatum operi solum subjacebit, illos, adversus quorum Contradictionem sibi prospicere cupiat, conveniendi, et erga Exhibitionem formæ Operis in duplo petendi, ut iidem vel de Jure suo in Contrarium docere, vel expectare jubeantur, ut perpetuum silentium sibi hac super re imponatur, simul vero Potestas fiat provocanti, Opus juxta formam, seu delineationem exhibitam extruendi. Una vero e duabus delineationibus in domo judiciaria assertanda, altera uni provocatorum, ut ab uno alteri communicetur, transmittenda est. Quoad reliqua sicut in Provocatione ex Lege difamari procedendum.